

E mafai ma e tatau i soo se tasi ona lagona le saogalemu i luga o le initaneti. Ae o tagata o loo iai manaoga faapitoa o isi nei tagata o loo sili ona faia i ai uiga e manatu faatauva i ai ma tele ina tofo i faiga faailoga tagata, fia malosia pe sauaina i le tino, le mafaufau ma faalogona.

O faiga faailoga tagata, fiamalosia ma le sauaina e lē taitai ona taliaina ma e lē tatau ona tuufauina – pe i luga o le initaneti pe i le soifuaga moni.

O se uo lelei e tatau:

- Ona agalelei ma faaaloalo
- Ona aua ne'i ona faia se mea e te faanoanoa ai
- Ona aua ne'i fai atu ia te oe e te faia se mea e te lē manao e fai.

Fautuaga mo auala e te puipuia ai oe lava ma isi i luga o le initaneti:

1. Puipui lau imeli ma au accounts i luga o fesootaiga televavave e ala i le [faatulaga o ni passwords malolosi](#) ma [se faamaoniga e lua vaega](#). Talosaga i se tasi e te maufaatuatuaina mo se fesoasoani i lenei mataupu, pe a e manaomia.
2. Ia loka pea le faitotoa o lou fale i taimi uma. E faapena foi i luga o le initaneti – aua ne'i e ta'ua lau password i se isi. Tusa lava poo au uo, poo lou aiga foi. Aua ne'i tuua fua se avanoa e te lamatia ai.
3. Aua le faailoaina atu isi faamatalaga e patino ia te oe e pei o le mea e te nofo ai, le numera o lau telefoni poo faamatalaga o au teugatupe i tagata e te lē iloa.
4. A o faatupula'ia le lisi o au uo, fai ma siaki vaega ia e te lē manao e faalauaitele ina ia mautinoa o loo saogalemu pea faamatalaga o loo e teuina faalilolilo ma o loo malupuipua foi tagata lautele ia te oe.
5. Afai e te tau atu i se mea i luga o le initaneti e te lē fiefia ai, pe lē malamalama ai, ta'u i se tasi e te maufaatuatuaina.
6. Na o le lafo ma talia talosaga faauo pe afai e te iloa lelei le tagata.

Afai o loo tupu ia te oe poo se tasi e te iloa, ni faiga faamalosi pe sauaina i luga o le initaneti ona o le iai o manaoga faapitoa:

1. Fesili i ai pe o lelei mai latou ma lagolagosua i ai, pe mananao e faasoa mai o latou lagona.
2. Faalaeiau i latou e talanoa i isi latou te maufaatuatuaina mo le lagolagosua ma fautuaga.
3. Faamanatu i ai e mafai ona latou [lipotia](#) tagata ma amioga leaga i tagata o loo faatautaia le upega tafailagi o loo tupu ai. Ofo i ai e te fesoasoani ia i latou i lenei mea pe a e mafaia, pe faalaeiau i latou e talosaga atu i se tasi latou te maufaatuatuaina.
4. Afai e iai se tasi poo se mea ua faapogaia ai le lē lelei o ou faalogona, pe o lou faaogāina o le Facebook e te lagona ai le faanoanoa pe popole, ta'u atu i se tasi e te vavalalata i ai. E leai se mea e leaga ai pe a fai sina malologa ese mai fesootaiga televavave.



5. Afai e iai se mea e te lagona ai lou popole i sau uo, siaki ma i latou.
6. Afai e iai se mea e lē o fetaui, se mea o loo faafatu'ulu i lou mafaufau pe e lē o lelei ai ou faalogona, faalagolago i ou lagona ma saili se fesoasoani mai se tasi e te mau faatuaina.

Mo nisi faamatalaga, asiasi i puna'oa a le Netsafe New Zealand i le [faiga faamalosi ma le sauaina](#).

